

46.

von einn solchen eben das geredet werden/was vom Kayser Aurelian gesagt wurde: Welcher / ob er wol wegen der vielfältigen trefflichen Tugenden / so in ihme gleichsam blüheten / nicht vnter die Zahl der bösen Fürsten gesetzt ward: Jedennoch vnd weiln er solche Vbel gebraucht/ ist er gleichwol auch vor keinen guten vnd löblichen * Fürsten gehalten worden. Vnd sagte man von ihme/das er einem guten Arzte nicht vngleich were/ welcher zwar die Kunst gesund zu machen wol wuste/ aber die Krancken mit einer bösen Art vnd Weise domaln heilete. Eben diß wurde auch von Adrian gesagt / der/ ohngeacht er sich der Wissenschaft aller Künste/so beydes zu Friedens vnd Kriegszeiten einem rechtschaffenen Fürsten vnd einer guten Verwaltung des Reichs wol anstünden/hochrühmte: Nichts destoweniger wurde er wegen seiner neidischen vnd argwöhnischen Natur vor grausam vnd wüterisch vnd vor vntraw gegen diejenigen / so ihme statliche Dienste geleistet/ von männiglichem gehalten.

Es ist nun vbrig/das wir anfangen von den Arten / so der Fürst zu Erlangung allgemeiner Lieb der Vnterthanen in Vbung seiner Güte vnd Frömmigkeit in acht nehmen solle / etwas einzelner vnd vmbständlicher zu reden: Nach dessen Verrichtung wir verhoffentlich